



Ազդարարութեան Trumpet's Sound փող

50-ՐԴ ՏԱՐԻ, ԱՄՏՐԱԿԱ
ՆՈՅՏԱՐԵՐ - ԴԵԿՏԵՐԵՐ 2019

«Որովհետեւ փողը պիտի
հնչուի ու մեռելները
յարութիւն պիտի առնեն
առանց ապականութեան,
մենք ալ պիտի փոխուինք»:

Ա Կորնթ. 15:52



«ԱԶԳԱՐԱՐՈՒԹԵԱՆ ՓՈՎ»
երկամսյա հոգեւոր բերք

Պատասխանատու խմբագիր՝
հովիւ Հրաչ Գույումճեան

ACM AUSTRALIA
PO BOX 1593,
CHATSWOOD NSW 2057
EMAIL: hkiujian@acmaust.org
URL: www.acmaust.org



Տարեվերջին փառաբանութեան բազում նիւթեր ունիք Տէրոջը մատուցելու:

- ACM-ը թէ՛ Հայաստանի եւ թէ՛ ամբողջ աշխարհի մէջ շատերու օրհնութեան պատճառ դարձած է:
- Փա՛ռք տուէք Աստուծոյ 2019 թ.-ի միսիոնարական խումբի եւ Տէրոջը դարձի եկած բազմաթիւ մարդկանց համար:
- Աղօթէ՛ք Աստուածաշունչի սեր-տողութեան խումբերի համար, որոնք կ'օգտուին մեր գրակա-նութիւնէն, քարոզչութիւնէն եւ ուսուցումներէն:
- Փա՛ռք տուէք Աւստրալիոյ, Հայաստանի եւ ԱՄՆ-ի մեր գործակիցներու, կամաւորներու եւ տնօրէններու համար:
- Կը խնդրենք աղօթել, որ 2020 թուականը Տէրոջը ծառայելու շատ առիթներ շնորհէ:

Բովանդակութիւն

Զաքէոս 3

Հովիւ՝ Հրաչ Գույումճեան

Աստուծոյ տուած պարգեւները (2) . . . 4

Ռէքս Տիրդավ

Այրող խրճիթը 8

Քաղուած

Զօրութեամբ չէ, եւ ուժով չէ 9

Հովիւ՝ Հրաչ Գույումճեան

Խոնարհ սկիզբը 11

Հովիւ՝ Հրաչ Գույումճեան

Ղովտը Սողոմի մէջ 14

Տոն Սրորմըր

Օրը օրին 18

Քաղուած

Աստուծահաճոյ կանայք 19

Ռուպերթ Հոյու

Զաքէոս

Ղուկաս 19:1-10

Նարկահաւաք Զաքէոսի պատմութիւնը հիանալի պատմութիւն է։ Այս հարուստ եւ կարճահասակ մարդը մաքսապետ էր, միշտ մեծահարուստի պէս կը հագուէր, հպարտօրէն կը քայլէր, բայց ոչ ոքի կողմէ սիրուած չէր։ Ոչ ոք չէր հաւնիր հարկային դաշտին մէջ աշխատողներուն, եւ ան ընկերներ չունէր։

Յիսուսը Երիքովի մէջէն պիտի անցնէր։ Զաքէոսը լսած էր Յիսուսի եւ Անոր ուսմունքի ու հրաշքներու մասին։ Ան միշտ փափագած էր տեսնել զինք, բայց խնդիրը իր հասակն էր։ Ան կարճահասակ էր, ամբոյսի մէջ եթէ մնար, պիտի չկրնար տեսնել զինք։

Զաքէոսը վճռական էր Յիսուսին տեսնելու։ Ան արհամարհեց իր հրպարութիւնը եւ չանհանգստացաւ իր շքեղ հագուստի կամ իրեն ծաղրող մանուկներու համար։ Բանի որ իր միակ փափագը Յիսուսին տեսնելն էր, ան վազեց ու ժանտաթզենիի մը վրայ ելաւ, որպէսզի զանիկա տեսնէ։ Կրնանք պատկերացնել, որ գուցէ վախցաւ ծառէն վայր իյնալ, կամ գուցէ ամուր գրկեց ճիւղը՝ սպասելով այդ յատուկ պահին։

Եւ ահա Ան։ Հաւաքուած ամբոյսը ցնծութեան ձայներ արձակեց, երբ Յիսուսը հորիզոնի վրայ տեսանելի եղաւ բոլորին։ Զաքէոսը շատ ոգեւորուած էր։ Ան իր գլուխը բարձրացուց, որպէսզի Յիսուսին տեսնելու առիթը յանկարծ բաց չձգէ։ Ան չէր գիտեր, որ Յիսուսը զինք կը ճանչնար։ Յիսուսը վեր նայեցաւ ու ըսաւ իրեն, որ անմիջապէս իջնէ, քանի որ այդ օրը պէտք է անոր տունը մնար։ Ուստի անմիջապէս ծառէն իջաւ եւ ուրախութեամբ ողջունեց Տիրոջը։

Ես կը սիրեմ այս պատմութիւնը, քանի որ Յիսուսի կարիքը ունեցող մեղաւոր մարդու փրկութեան պատմութիւնն է։ Աստուածաշունչը կ'ըսէ. «Փնտռեցէ՛ք, եւ պիտի գտնէք»։ Զաքէոսը իր ամբողջ սրտով կը փնտռէր, եւ այս պատմութեան զարմանալի մասն այն է, որ Յիսուսը զինք իր անունով կանչեց։ Այո՛, Յիսուսը զիտէ նաեւ ձեր անունը, բայց դուք պէտք է գաք Իր մօտ՝ մէկդի դնելով ձեր հպարտութիւնը։ Վազէ՛ք Իր մօտ, ինչպէս Զաքէոսը ըրաւ եւ ըսէ՛ք. «Տէ՛ր, ես պարզապէս կ'ուզեմ Քեզ տեսնել»։

Այս սիրող Տէրը կ'ուզէ ձեր սրտին մէջ գալ, որպէսզի ձեզ հետ տօնակատարութիւն կատարէ: Գիտէ՞ք Տէրը ինչ ըսաւ Ջաքեոսին: Ան ըսաւ. «Այսօր այս տանը փրկութիւն եղաւ, քանզի ասիկա ալ Աբրահամի որդի է: Վասն զի Որդին Մարդոյ եկաւ, որպէս զի կորսուածը փնտռէ ու փրկէ»:

Այո՛, Յիսուսն այսօր ներկայ է ձեզ համար, եւ ասիկա ձեր հնարատրութիւնն է Իրեն ըսելու. «Տէ՛ր, որպէս մեղաւոր կուգամ եւ կ'ուզեմ Քեզ ունենալ կեանքիս մէջ»:

Թող Աստուած օրհնէ ձեզ:

Հ. Գ.

Աստուծոյ տուած պարգեւները

Ա Կորնթացիս 12-րդ գլուխ (մաս 2)

Ահա Ա Կորնթացիս 12:4-7-էն քաղուած մի քանի անվիճելի փաստեր: Չկայ այնպիսի քրիստոնեայ մը, որը Սուրբ Հոգիէն գոնէ մէկ պարգեւ ստացած չ'ըլլայ:

Դուք Աստուծոյ Սուրբ Հոգիին կողմէ եզակի եւ յատուկ պարգեւ ստացաք: Սուրբ Հոգին, ով զօրացուց Աստուծոյ վաղեմի հզօր տղամարդկանց ու կանանց, նոյն Հոգին է, որը ձեզ պարգեւ շնորհեց:

Քրիստոնեայ դառնալու օրը շատ զարմանալի բաներ պատահեցան ձեզ հետ.

- Դուք փրկագնուեցաք Քրիստոսի՝ խաչի վրայ կատարած փրկագործութեամբ:
- Ձեր մեղքերը ներուեցան:
- Դուք որդեգրուեցաք Աստուծոյ ընտանիքին մէջ, որպէս Իր շատ սիրելի զաւակ:
- Ձեր մէջ Սուրբ Հոգին բնակեցաւ եւ մշտապէս կնքուեցաք Իր կնիքով:

Ձեր կեանքի մնացած մասը պիտի անցնէք բացայայտելով այդ օրը

կատարուածի բոլոր հրաշալի հետեւանքները: Երբ քրիստոնեայ դարձաք, Սուրբ Հոգին ձեզի հիանալի պարգեւ մը եւ այն զօրաւոր կերպով օգտագործելու կարողութիւն տուաւ: Քրիստոսի Մարմնին մէջ անպիտան անդամներ չկան: Ասիկա կը նշանակէ, որ հոգեւոր պարգեւ ունենալը բացառիկ քրիստոնեայ ըլլալու նշան չէ, քանի որ բոլոր քրիստոնեաները առնուազն մէկ հոգեւոր պարգեւ ունին: Թերեւս չզգաք, որ Սուրբ Հոգիէն յատուկ պարգեւ մը ունիք, սակայն անգամ մը եւս կ'ուզեմ շեշտել, որ այս պարգեւը կախուած չէ, թէ դուք ինչ կ'զգաք, այն հիմնուած է Աստուծոյ Խօսքի ճշմարտութեան վրայ:

Կան բազմաթիւ պարգեւներ, որոնք կը ներկայացնեն գործունէութեան տարբեր ոլորտներ:

Արժանքինի մէջ ձեռքերը կորսնցուցած տղամարդու մը զօրակոչեցին բանակ: Այնտեղ ան մօտեցաւ իր հրամանատարին ու հարցուց.

- Ես ի՞նչ օգուտ կրնամ բերել այստեղ:

Հրամանատարը պատասխանեց.

- Կը տեսնե՞ս այնտեղ ջուր քաշող զինուորին, գնա՛ եւ ըսէ՛ իրեն երբ դոյրը կը լեցուի. ան կոյր է:

Պօղոսը կը շարունակէ իր միտքը՝ օգտագործելով մարդու մարմնի լուսաբանումը: Ի՞նչ ընդհանուր կապ կայ աչքի ու ոտքի միջեւ: Ատոնք բոլորովին կը տարբերուին իրենց տեսքով ու նպատակով եւ ոչ մէկ ընդհանուր բան չունին, բացի այն, որ իրար կարիք ունին: Ոտքը կը սայթաքի, եթէ տեսնելու աչքը չ'ըլլայ: Աչքը քիչ բան կը տեսնէ, եթէ ոտքը շարժման մէջ չ'գտնուի: Մարմնի ուժը կը կայանայ իր անդամներու տարբերութիւններու եւ ոչ թէ նմանութիւններու մէջ: Պարգեւներու մասին մտածելու ժամանակ մենք պէտք է յիշենք, որ իրարմէ կը տարբերուինք:

Ձեր պարգեւը ձեզ համար չէ, այլ ընդհանուրի շահի համար է:

Մարդու մարմնին մէջ չկայ անդամ մը, որը միայն իր շահի համար կը գործէ: Ասիկա չհասկնալը խոչընդոտ պիտի ստեղծէ ձեր կեանքին մէջ: Աստուած ձեզի պարգեւ տուած չէ ձեր կարիքը բաւարարելու համար: Ձեր պարգեւը ուրիշներու համար է: Եթէ կը մտածէք, թէ ձեր ունեցած պարգեւը այնքան ալ հիանալի չէ, կամ աննկատելի է, ուրեմն դուք իսկապէս դժուարութեան մէջ եք: Այդպէս դուք ձեր պար-

գելը կը թաղէք փոխանակ այն գործածելու, իսկ ուրիշները կը գրկուին ձեր ունեցած պարգեւի օրհնութիւններէն: Դուք նաեւ զուրկ կը մնաք Աստուծոյ կողմէն ձեզի տրուած կարողութիւնն օգտագործելու ուրախութիւնէն: «Ամէն մէկուն զատ-զատ կը բաժնէ՝ ինչպէս կ'ուզէ» (Ա Կորնթացիս 12:11): Աստուած ընտրեց ձեզի տալ այն, ինչ տուած է, եւ այն ամբողջովին հաճելի է Իրեն:

Ոչ մէկ պարգեւ համընդհանուր չէ

Պօղոսը իրական վտանգ տեսաւ այն գաղափարախօսութեան մէջ, որ կան յատուկ պարգեւներ, որոնք իւրաքանչիւր քրիստոնեայ պէտք է ունենայ: Ահա մի հետաքրքիր լուսաբանում.

Շատ-շատ տարիներ առաջ անտառի կենդանիները որոշեցին, որ պէտք է իմաստալից բան մը ձեռնարկեն աշխարհի խնդիրները լուծելու համար: Այսպիսով անոնք դպրոց մը կազմակերպեցին: Կազմեցին ուսումնական տարուայ դասացուցակը. վազք, ծառի մագլցում, լողալ եւ թռչել: Դասընթացը աւելի հեշտ դարձնելու համար բոլոր կենդանիները ընտրեցին դասացուցակի բոլոր առարկաները: Բաղը գերազանց լողաց: Իրականութեան մէջ աւելի լաւ լողաց, քան իր հրահանգիչը, բայց թռչելու գնահատականները հազիւ թէ բաւարար էին, իսկ վազքը՝ չափազանց ողորմելի: Քանի որ դանդաղ էր վազքի մէջ, ան ստիպուած էր դպրոցի ժամերէն ետք մնալ այնտեղ՝ վարժութիւնը սորվելու համար: Վազքի վարժութիւններու պատճառով իր լայն ու տափակ ոտքերը սկսեցին մաշուիլ, այնպէս որ լողալու գնահատականներն ալ վատթարացան: Հազիւ թէ միջին գնահատական կրցաւ ունենալ: Միջինը միանգամայն ընդունելի էր, ուստի ոչ ոք այդ մասին չէր մտահոգուած, բացի բաղը: Նապաստակը վազքի վարժութեան մէջ գերազանց ցուցանիշ ունեցաւ իր դասարանցիներու նկատմամբ, բայց ոտքի մկաններու խնդիրներ ունեցաւ, երբ չափազանց մեծ ջանք թափեց լողալու վարժութիւնը կատարելու ժամանակ: Ի վերջոյ, վազելու իր ունակութիւնը խիստ վատացաւ: Սկիւռը հիանալի կերպով ծառը մագլցեց, բայց թռչելու մէջ ձախողեցաւ: Արծիւը խնդրայարոյց աշակերտ էր եւ կարգապահական խիստ յանդիմանութեան ենթարկուեցաւ ոչ պատշաճ բնատրութիւն դրսեւորելու համար: Ծառը բարձրանալու վարժանքի ժամանակ, ան միւս կենդանիներուն հրմշտկելով բարձրացաւ զագաթ:

Միտքը յստակ է.

- Եթէ բաղ էք, ուրեմն լողացէ՛ք եւ մոռցէ՛ք վագելու մասին:
- Եթէ նապաստակ էք, ուրեմն վագէ՛ք եւ մի՛ փորձէք միանալ լողացողներու խումբին:
- Եթէ սկիւռ էք. ապա բարձրացէ՛ք. դուք երբեք չէք կրնար թռչիլ:
- Եթէ արծիւ էք, ապա թռչէ՛ք, դուք երբեք լաւ վագող չէք կրնար դառնալ:

Ճիշտ ասոր մասին կը խօսի Հռովմայեցիս 12:6-8-ը: Եթէ ձեր պարգելը մարգարեանալն է, ուրեմն մարգարեացէ՛ք, եթէ այն՝ ուսուցանելն է, ապա ուսուցանէ՛ք, եթէ՝ տալն է, ապա տուէ՛ք, եթէ՝ առաջնորդելն է, ապա առաջնորդէ՛ք:

Երբ կը փորձենք ըլլալ այն, ինչ չենք, ապա կը դանդաղեցնենք ու կը խոչընդոտենք Աստուծոյ՝ մեզի տրամադրած պարգելի գործածութիւնը: Երբ այդպէս կը պատահի, մենք կ'իյնանք հիասթափութեան, յուսահատութեան եւ նոյնիսկ յանցաւորութեան զգացումի մէջ: Աստուած մեզ չստեղծեց այն մտադրութեամբ, որ բոլորիս նոյն պարգելը տայ, այլ՝ որ իւրաքանչիւրիս գոնէ մէկ պարգել տայ: Արդեօ՞ք կը զգաք, թէ շատ քան չունիք եւ ձեր ունեցած պարգելը կարելոր չէ: «Մանաւանդ մարմինին այն անդամները, որոնք շատ տկար կ'երեւնան, աւելի հարկաւոր են» (հմբ 22): Համարը չ'ըսէր, թէ այն անդամները, որոնք աւելի տկար կ'երեւնան աւելի օգտակար են: Այստեղ օգտագործուած բառը «հարկաւոր» բառն է: «Բոլոր մարմինը, մէկտեղ կազմուած եւ բոլոր յօդուածները իրարու հաղորդուելով կցուած՝ ամէն մէկ մասին չափով ներգործելով՝ սիրով մարմնին աճում կու տայ իրեն շինութեանը համար» (Եփեսացիս 4:16):

Աստուած ձեզի տուած է շատ աւելի, քան կը պատկերացնէք: Աստուծոյ՝ ձեզի տուած պարգելի բացայայտումն ու օգտագործումը շատ կարելոր է ողջ քրիստոնէական համայնքի համար:

Ռէքս Տիրլալ



Այրող խրճիթը

Նաաբեկումէ մը միայն մէկ ճամբորդ ազատեցաւ, որ շնչահեղձ պզտիկ անմարդաբնակ կղզի մը ելաւ: Խեղճ մարդը, թէն ուրախ էր՝ ողջ մնալուն, բայց սրտանց աղօթեց Աստուծոյ, որ զինք ազատէ այս ամայի տեղէն եւ ամէն օր հորիզոնը կը քննէր, սակայն ո՛չ մէկ նաւ կը տեսնէր: Յուսահատ եւ յոգնած վերջապէս որոշեց պզտիկ խրճիթ մը շինել ջախջախուած նաւուն տախտակի կտորներով, որպէսզի ցերեկուան արեւէն եւ գիշերուան ցուրտէն պատասպարուի ու նաեւ ունեցած քանի մը առարկաները պահէ: Սակայն, օր մը, ուտելիքի փրկ-տըռտուքի վերադարձին, տեսաւ որ իր խրճիթը բոցերու մէջ կ'այրէր եւ սեւ ծուխը երկինք բարձրացած էր: Յոռեգոյնը պատահած էր: Ամէն ինչ ոչնչացած էր: Խեղճ մարդը բարկութեամբ եւ տխրութեամբ լեց-ուեցաւ: «Տէր Աստուած, ինչո՞ւ այս փորձանքը արտօնեցիր, որ գլուխս գայ», ըսաւ լալագին ձայնով: «Միթէ ա՞յս էր պակաս: Չի՞ բաւեր որ առանձին մնացած եմ այս կղզիին վրայ, ուրկէ ազատելու ո՛չ մէկ միջոց ունիմ: Այս խրճիթը շա՞տ տեսար ինծի համար»: Ու սրտնեղած գլուխը քարի մը վրայ դրաւ ու քնացաւ:

Յաջորդ առտու կանուխ, նաւու մը սուլոցը արթնցուց զինք: Նախ կարծեց որ կ'երազէր, բայց երբ կրկին անգամ լսեց նոյն ձայնը, որ երթալով կը մօտենար իրեն անմիջապէս ծովափ վազեց եւ տեսաւ նաւ մը, որ զինք ազատելու եկած էր: «Ինչպէ՞ս գիտցաք որ ես հոս եմ», հարց տուաւ շուարած մարդը իր ազատարարներուն: «Մուխի նշանը տեսանք», պատասխանեցին նաւաստիները:

Իրապէս դիրքին է յուսահատիլ, երբ ամէն ինչ սխալ կ'ընթանայ: Սակայն պէտք չէ յուսալքուիլ, քանի որ Աստուած ամէն ինչէ լուր ունի եւ Ան կը գործէ մեր կեանքին մէջ, նոյնիսկ ցաւի եւ տառապանքի դժուար պարագաներուն մէջ: Յիշէ՛ որ յաջորդ անգամ, երբ խրճիթդ հիմնա-յատակ կ'այրի... այդ կրնայ մուխի նշան մը ըլլալ, որ Աստուծոյ հրաշագործ միջամտութիւնը կը հրաւիրէ կեանքիդ մէջ: Մեզի հանդիպած բոլոր ժխտական պատահարներուն մէջ, պէտք է գիտնանք որ Աստուած դրական պատասխան մը ունի:

Ուստի միշտ յիշենք, որ «Ամէն բաները բարիի գործակից կ'ըլլան՝ անոնց որ զԱստուած կը սիրեն» (Հռովմ. 8:28):

«Զորութեամբ չէ, եւ ուժով չէ, հապա Իմ Հոգւովս...»

«Ազդարարութեան փող» թերթի 50-ամեակը



Ինչպիսի՜ ուրախութիւն է ականատեսը ըլլալ այս սքանչելի ամսագրի կենսագրութեանը:

Մօտաւորապէս 15 տարի է, ինչ այս ամսագրի հիմնադիր խմբագիրը գնաց Տէրոջ ներկայութեան մէջ ըլլալու, սակայն իր աղօթքներու եւ Աստուծոյ կամքի շնորհիւ գործը զարմանալի կերպով կը շարունակուի:

Այսօր ամսագիրը կը տպագրուի 4600 օրինակով ու կը տարածուի շուրջ 7 երկիրներու մէջ 3 լեզուներով՝ արեւել-

լահայերէն, արեւմտահայերէն եւ անգլերէն: Այն հասանելի է նաեւ առցանց՝ մեր կայքէջի միջոցով (www.acmaust.org): «Ազդարարութեան փող»-ը ազատօրէն կը բաժնուի Հայաստանի եւ Արցախի աւելի քան 50 եկեղեցիներու: Անգլերէն ամսագիրը կազմուած է չորս Ա4 էջերէ, իսկ հայերէն տարբերակն ունի երկու լրացուցիչ էջ՝ մէջտեղը ունենալով նաեւ Աստուածաշունչի սերտողութեան թերթիկ, որը կարելի է ամսագրէն հանել ու առանձին պահել:

Ուլքե՞ր են ընդգրկուած եւ որո՞նց պէտք է շնորհակալութիւն յայտնել: Այս առիթէն օգտուելով կ'ուզենք մեր շնորհակալութիւնը յայտնել բոլոր անոնց, որոնք քրտնաջան կ'աշխատին այս ծառայութեան համար՝ յօդուածներ գրելով, թարգմանելով, սրբագրելով տպագրելով, տարածելու մէջ մեզ օգնելով կամ նիւթապէս օժանդակելով:

Հայ քրիստոնէական միսիոնարութիւն. այս առաքելութիւնը կը հովանաւորէ ֆինանսական ծախսերու հետ կապուած որեւէ պակասութիւն:

Խմբագիր. Հովիւ՝ Հրաչ Գույումեանը կը վերահսկէ ամբողջ աշխատանքը:

Հայերեն ամսագիր. Վարդան եղբայր Սարգիսեանը, ով կեցած է այս ամսագրի ետին՝ նուիրելով իր ժամանակը թարգմանութեան, էջադրման, ձեւաւորման եւ ժամանակին թերթը տպագրատուն հասցնելու համար:

Հայերեն ամսագրի սրբագրողներ. շնորհակալ ենք արեւելահայերէն թերթի համար՝ Իդա Խաչատրեանի եւ Աննա Սարգիսեանի, իսկ արեւմտահայերէն թերթի համար՝ Վերժին Սարգիսեանի կատարած աշխատանքներէն:

Անգլերէն ամսագիր. այս աշխատանքը անհնար պիտի ըլլար առանց Տոն եւ Հելեն Սթորմըրներու օգնութեան: Մենք զարմացած ենք անոնց նուիրուածութիւնէն:

Աստուածաշունչի սերտողութեան դասընթացներ. շնորհակալութիւն կը յայտնենք «Queensland mailbox club inc.»-ին իրենց դասընթացներն օգտագործելու թոյլտուութեան համար:

Տպագրութիւն Սիւննի մէջ. շնորհակալութիւն կը յայտնենք «Industrial Printing Co.»-ին վերջին չորս տարիներու ընթացքին «Ազդարարութեան փող» թերթի տպագրութեան ծախսերը իր վրայ վերցնելու համար:

Յօդուածագիրներ. օրհնուած ենք հաւատարիմ հաւատացեալ հեղինակներով, Խօսքի հովիւներով եւ ուսուցիչներով, ովքեր իրենց ժամանակը կը նուիրեն Աստուծոյ Խօսքը, Աստուածաշունչեան վարդապետութիւն, վկայութիւններ, յոյսի եւ քաջալերական խօսքեր բերելով

Հովիւ՝ Արթուր Գույումեանը
Աստուածաշունչի սերտողութեան խումբին
հետ 1968 թ.-ին մատու
Աստղալիա գաղթելու
ժամանակ:



մեզ՝ ամսագիրը դարձնելով չփրկուածներու համար լոյս եւ փրկուածներու համար՝ հոգեւոր սնունդ եւ սպեղանի:

Քաշխում (Հայաստան եւ Արցախ). շնորհակալ ենք Մարտուն Յարութիւնեան եղբօրը Հայաստանի եւ Արցախի մէջ ամսագիրը տարածելու համար:

Փոստով բաշխում (Աւստրալիա). երախտապարտ ենք Ճորճ եւ Արշիկ Մոմարքիմներուն, ովքեր կ'օգնեն մեզ՝ ամսագիրը աշխարհի վեց երկիրներու փոստով ուղարկելու մէջ (Ավստրալիա, ԱՄՆ, Գանատա, Ֆրանսա, Պուկարիա, Հարաւային Ամերիկա):

Մեր կոչումը. ազդարարութեան փողը հնարաւորինս բարձր ու երկար հնչեցնելն է: Մենք կ'ուզենք պատրաստ ըլլալ Իր վերադարձին ու կը փափագինք, որ մեր բոլոր ընթերցողները միանան մեր խումբին, մինչ անհամբերութեամբ կը սպասենք յափշտակութեանը: Թող Տէրը օրհնէ ձեզ բոլորիդ:

Եթէ մեր հաւատարիմ ընթերցողներէն մէկն էք, ապա կը խնդրենք պատմել մեզ, թէ ինչպէս է թերթը տարիներու ընթացքին օրհնութիւն դարձել ձեզ համար:


Հ. Գ.

Խոնար սկիզբը

Այսօր ինծի համար մեծ պատիւ ու առանձնաշնորհում է «Ազդարարութեան փող» թերթի 50-ամեակի կապակցութեամբ մի քանի տող գրելը: Այս ամէնը ոչ թէ մարդուն փառաբանելու համար է այլ Երկնաւոր Հօրը, որու ճամբաները մեր ճամբաները չեն: Մենք օրհնուած ենք ականատեսը ըլլալով այս հրաշալի գործին:

Յուշերովս ետ կը վերադառնամ այն ժամանակ, երբ 50 տարի առաջ





գաղթեցինք Աստրալիա: Այդ ժամանակ ընդամենը 14 տարեկան էի: Հայրս՝ հովիւ Արթօ Գույուճեանը նորեկ էր երկրին մէջ: Դժուար օրեր էին. ան ստիպուած պէտք է աշխատանք գտնէր՝ վեց հոգանոց ընտանիքին խնամելու համար: Ան աշխատեցաւ շատ հայ գաղթականներու հետ Չաքսուտի «Warburton Franki» տեղական գործարանին մէջ:

Օր մը հայրիկը տխուր տուն վերադարձաւ, քանի որ ճաշի ընդմիջման ժամանակը ընդամենը 30 վայրկեան էր, եւ ինք առիթ չէր կրնար գտնել Քրիստոսի մասին պատմելու կամ խօսելու միւս գործաւորներու հետ: Մայրս, ով նոյնպէս կը սիրէր Տիրոջը, անմիջապէս արձագանքեց ըսելով. «Արթօ՛, ինչո՞ւ յօդուած չես գրէր ու անոնց բաժնէր, որ կարդան»: Այդ գիշեր հայրիկը մինչեւ ուշ գիշեր արթուն մնաց հայերէնով ամբողջ Ա4 չափի թուղթի վրայ իր ձեռագրով Աստուծոյ սիրոյ եւ փրկութեան ճամբու մասին գրելով: Յաջորդ օրը այն տուաւ աշխատակիցներէն մէկուն, ով շատ քաջալերուեցաւ եւ ուրախացաւ այն ստանալու համար:

Դարձեալ ամբողջ էջ մը գրեց եւ յանձնեց մէկ ուրիշին, ով իրեն պատասխանեց ըսելով. «Դուք լաւ ձեռագիր ունիք, ինչո՞ւ չէք պատճենահաներ ձեր գրածները ու մարդկանց յանձնէր»: Այսպիսով, հայրիկը 10 օրինակ պատճենահանեց իր գործընկերներուն տալու համար: Շուտով նաեւ սկսաւ փոստով ուղարկել աշխարհով մէկ տարածուած մի քանի ընկերներու, որոնցմէ մէկը խորհուրդ տուաւ իրեն, որ չնայած իր ձեռագիրը գեղեցիկ էր, սակայն աւելի լաւ կ'ըլլար, եթէ տպագիր մեքենայով գրուէր այն: Հայրիկը ըսաւ, թէ չունի այդպիսի մեքենայ եւ չի գիտէր ուրկէ կարելի է գնել հայերէն տառերով գրամեքենայ մը: Ի գարմանս իրեն, այս մարդը ուրախութեամբ գրամեքենայ մը ուղարկեց այս ծառայութեան համար: Գրամեքենան հասաւ հայրիկիս ձեռքերուն մէջ եւ գիշերային աշխատանքը քառապատկուեցաւ:

Այո՛, ամէն գիշեր մեր քներգը այս գրամեքենայի կոճակներու հընչիւններն էին՝ «թաք, թաք, թաք...», որը հայրս երբեմն մինչեւ կէսգիշեր մէկ մատով կը հաւաքէր: Իր մէկ էջանոց յօդուածը դարձաւ փոքրիկ

գրքոյկ մը՝ «Ազդարարութեան փող» վերնագրով: Ան մինչեւ իր մահը հաւատարիմ մնաց իր ծառայութեանը:

Ան ամբողջովին հոգաց իւրաքանչիւր ամսուայ համար 400 օրինակով տպագրուած թերթին ծախսերը, անձամբ կազմելով թերթը՝ ծախսերը կրճատելու համար: Իր ձեռքով կը գրէր բոլոր հասցէները եւ փոստով կ'ուղարկէր 14 երկիրներ, իսկ 20 օրինակով՝ Խորհրդային Հայաստան:

Կը յիշեմ, երբ հիւանդ պառկած էր անկողնին մէջ, մեր ճաշասեղանը ամբողջովին յատկացուած էր ամսագրին, որը պէտք է դասատրուէր, կազմուէր, ծրարներու մէջ դրուէր ու փոստով ուղարկուէր, բայց ան չէր կրնար անկողնին բարձրանալ: Ամէն օր անոր աչքերը սեղանին վրայ էին, ուստի նստեցի սեղանին մօտ եւ սկսեցի թերթերը պատրաստել փոստով ուղարկելու համար:

Մէկ ամիս անց ես գիտէի, որ ժամանակն է ամսագրի նոր տպագրութեան համար, այնպէս որ հօրս ըսի. «Հայրի՛կ, դուն շատ յօդուածներ ունիս տպագրութեան: Կրնա՞ս մի քանի հատ ընտրել, որպէսզի պատրաստեմ տպագրութեան համար»: Ան ըսաւ. «Որդի՛ս, ինչպէ՞ս պիտի ընես»: Այդ ժամանակ ACM-ի ծառայութիւնը արդէն սկսած էր Հայաստանի մէջ, եւ ես կը ճանչնայի Քրիստոսով եղբայր՝ Վարդանին: Ես հարցուցի Վարդանին, թէ արդեօք կրնա՞յ օգնել այս ամսագրի ծառայութեան մէջ: Շուտով ձեռքս տպագիր օրինակ ունէի: Հայրս հրճուեցաւ՝ տեսնելով նոր տառատեսակները եւ վերնագիրը, բոլորը՝ ամբողջութեամբ նոր տեսքով:

Մենք շատ կը կարօտինք այս մարդուն, ով իր կեանքի 35 տարին նուիրեց, որպէսզի ուրիշները լսեն այս հիասքանչ Փրկչի մասին, ով մահացաւ աշխարհի փրկութեան համար:

Հ. Գ.



Կը շնորհաւորեմ մեր ընթերցողներուն Տէր Յիսուս Քրիստոսի ծնունդի կապակցութեամբ ու կը մաղթեմ, որ 2020 թուականը օրինեալ տարի ըլլայ բոլորիդ համար: Նաեւ կը փափազիմ, որ գալիք տարին ըլլայ Տէր Յիսուսի երկրորդ գալստեան տարին:

Ղովտը Սողոմի մէջ

Ծննդոց 19-րդ գլուխ

Իր երկրորդ նամակին մէջ (2:7-8) Պետրոսը Ղովտին մեր չ'ակնկալած ձեռով կը նկարագրէ. ան անոր մասին կը խօսի, որպէս արդար մարդու:

Սողոմացիներու շրջանակին մէջ ապրելով՝ Ղովտը կը ճնշուէր անոնց անառակ վարմունքէն: Անոր արդար հոգին կը տանջուէր օրէ օր տեսնելով ու լսելով անոնց անօրէն վարմունքը: Եթէ Պետրոսը չ'գրէր ասոր մասին, մենք երբեք պիտի չգիտնայինք, որ Ղովտը արդար մարդ էր: Ի՞նչ պատահած էր այն մարդուն, ով Աբրահամի ընկերութիւնը վայելելու առանձնաշնորհումն ունէր: Ինչո՞ւ համար ան այսքան բարձր դիրքի վրայ էր՝ մէկը ով նստած է Սողոմի նման չար քաղաքի դուռը:

Ղովտը հանրային կեանքին մէջ

Աբրահամին այցելած երկու հրեշտակները իրիկուան դէմ ժամանեցին Սողոմ ու տեսան, թէ Ղովտը նստած էր քաղաքին դուռը: Ան պատուաւոր դիրք գրաւած էր քաղաքին մէջ: Տարիներ առաջ, երբ Աբրահամն ու Ղովտը իրենց հօտերու եւ արջառներու շատութեան պատճառով պէտք էր իրարմէ բաժնուէին, Աբրահամը Ղովտին առաջարկեց առաջինը ընտրել երկիրը: Ղովտը դաշտի քաղաքները նայեցաւ եւ իր վրանը Սողոմի քով բացաւ: Շատ չ'անցած ան բնակեցաւ Սողոմի մէջ եւ յայտնուեցաւ արեւելքի չորս թագաւորներու կողմէ գերեվարուած խումբին մէջ: Աբրահամի շնորհիւ փրկուելէն ետք ան կրկին վերադարձաւ Սողոմ եւ քաղաքին մէջ անուանի մարդու անուն վաստակեց, դառնալով քաղաքի առաջնորդներէն մէկը՝ մարդ, ով նստած է քաղաքի դուռը՝ օգնելով կարգաւորելու բնակչութեան քաղաքական, դատական եւ առեւտրային գործերը: Ան այնքան սիրած էր քաղաքը, որ նոյնիսկ գերութեան տարուիլը չստիպեց իրեն լքելու այն ու վերադառնալու իր նախկին կեանքին:

Երբ հրեշտակները հասան Սողոմի դարպասներու մօտ, Ղովտը ըրաւ այն, ինչ Աբրահամը ըրած էր այդ օրը վաղ առաւօտեան: Ան զանոնք դիմաւորելու ելաւ, ու իր երեսը մինչեւ գետին ծռելով խոնարհութիւն ըրաւ, խնդրելով որ այդ գիշեր իր տունը մնան: Սկիզբը անոնք մերժե-

ցին անոր առաջարկը՝ ըսելով, թէ ամբողջ գիշերը փողոցը կը կենան: Թէեւ ընդունեցին Ղովտի հիւրընկալութեան առաջարկը, սակայն անոնք նոյն օրը վաղ առաւօտեան Աբրահամի հիւրընկալութեան պէս չընդունեցին այդ: Այնուամենայնիւ, նախքան գիշերը անկողին մտնելը, բոլոր տարիքի Սողոմի տղամարդիկ կանչեցին Ղովտին՝ պահանջելով սեռական յարաբերութիւն ունենալ իր հիւրերուն հետ:

Հաւանաբար Ղովտի՝ քաղաքային գործերուն մէջ ներգրաւուելու որոշումը Սողոմի հոգեւոր կեանքը բարելաւելու փափագով էր: Երբ այդ գիշերը իր տան շուրջը անկարգութիւններ սկսեցան, ան Սողոմացիներուն ըսաւ, թէ հիւրերուն իր յարկի շուրջին տակ առնելու պատճառը զանոնք չարիքէ փրկելն էր: Ան գիտէր, թէ ինչպիսին են Սողոմի տղամարդիկ: Ի պատասխան՝ Սողոմի տղամարդիկ պնդեցին, որ Ղովտը որպէս պանդուխտ եկած է իրենց քաղաք, իսկ հիմա իրեն դատաւորի տեղ կը դնէ: Անոնք մտադրութիւն չունէին իրենց պահուածքը փոխելու: Անոնց նպատակէն շեղող ոչ մէկ արգելք չկար, եթէ հրեշտակները չմիջամտէին ու կուրութեամբ չհարուածէին զանոնք: Բայց Ղովտն ինքն իրեն արհամարհուած զգաց: Ան քաղաքի տղամարդկանց առաջարկեց իր աղջիկները՝ փորձելով կանխել նոյնիսկ աւելի անբարոյական արարքը:

Ղովտի տան մօտ կատարուած իրադարձութիւնները համոզիչ պատճառ էին հրեշտակներու հետագայ քայլերուն: Տէրը Աբրահամին ըսած էր, որ Ինքը պիտի իջնէ տեսնելու՝ թէ Իրեն եկած աղաղակին պէս ըրի՞ն, թէ՞ ոչ: Հրեշտակները ուղարկուած էին այս հետախուզութիւնը կատարելու համար: Այդ պահին դատաւորի տղա հաստատ դարձաւ: Անոնք Ղովտին նախազգուշացուցին, որ իրեն հետ կապ ունեցող որեւէ մէկուն կրնայ քաղաքէն հեռացնել: Անոր փեսաներուն պատասխանը ծաղրող անհաստոութիւնն էր:

Իրավիճակը, որուն մէջ Ղովտը յայտնուեցաւ յիշեցում է մեզի, որ մեր անձերուն հարցնենք, թէ արդեօ՞ք մեր համայնքի գործունէութեան մէջ մենք Տիրոջը հաւատարիմ վկայութիւն ունինք: Իր փեսաներուն աչքին Ղովտը կատակ ընող երեւցաւ: Ասիկա կ'ենթադրէ, թէ ան իր ապրելակերպի մէջ այնքան նման էր իր շրջապատի մարդկանց, որ երբ վրտանգի մասին նախազգուշացուց, անոնք իր խօսքերը լուրջի չ'առին:

Աշխարհայնութեան խնդիրը

Մենք առաջարկեցինք այն միտքը, որ Ղովտը կը փափագէր Սողոմոն՝ ապրելու աւելի լաւ վայր դարձնելը: Բայց դժուար էր աշխարհայնութեան գալթակողութիւնէն խուսափելը: Ղովտը հրաժարուեցաւ լեռներու խստակեաց կեանքէն՝ ընտրելով դաշտերու հաճելի արօտավայրերու կեանքը: Ան քաղաք մտաւ աւելի կարգաւորուած ու բարգաւաճ կեանքի մարմաջով: Աշխարհը գրաւեց զինք ու իր ընտանիքին: Իսկ եթէ հարցնելու ըլլանք, թէ ի՞նչ նկատի ունինք աշխարհի ըսելով, ապա պատասխանը հետեւեալն է. այն ամէնը, ինչ կը խանգարէ Աստուծոյ ընկերակցութիւնը եւ Անոր հնազանդիլը աշխարհային է: Աշխարհայնութեան որոշ հայեցակարգեր ինքնին կրնան սխալ չ'ըլլալ. բայց ատոնք կը խանգարեն Աստուծոյ հետ մեր ընկերակցութիւնը եւ մեր հնազանդութիւնը:

Սողոմոն մօտ գտնուիլը լուրջ խնդիր էր Ղովտի ընտանիքի համար: Հրեշտակները յորդորեցին զինք ընտանիքին հետ հնարաւորինս արագ հեռանալ այնտեղէն: Անոնք նոյնիսկ ստիպուած եղան բռնելու իր, կնոջ եւ իր երկու դուստրերու ձեռքերը՝ զանոնք քաղաքէն դուրս հանելու եւ ճամբուն վրայ դնելու համար: Բայց անոնց սրտերը Սողոմոն մէջ էր եւ դժկամութեամբ հեռացան: Չանոնք դուրս հանելէն ետք հրեշտակներէն մէկը ըսաւ Ղովտին, որ պէտք է փախչի դէպի լեռները եւ դաշտին մէջ չկենայ: Ամէն ինչ պէտք է ետին թողնէին, նոյնիսկ ետին չպէտք է մայէին: Այնուամենայնիւ, Ղովտը խնդրեց, որ իրեն թոյլ տրուի դաշտին մէջ գտնուող փոքր քաղաք Սեգովը երթալ, քանի որ կը վախճար, որ լեռան վրայ գուցէ չարիքի հանդիպի: Ան հասկացողութիւն եւ հաւատք չունէր, որ Աստուած կրնայ զինք պաշտպանել, եթէ ինքը երթար այնտեղ, որտեղ Աստուած ընտրած էր իր համար: Կը տեսնենք, թէ որքան թերի է Ղովտի հաւատքն ու հասկացողութիւնը: Ան խնդրեց Սեգովը մնալ, սակայն շատ չանցած կը տեսնենք, որ այնտեղ մնալու վախճաւ եւ երկար ժամանակ բնակեցաւ լեռներու քարանձաւներու մէջ:

Ղովտի պատմութեան աւարտը չափազանց տխուր է: Նիւթական տեսանկիւնէն ան ամէն բան կորսնցուց: Չնայած իրեն թոյլ տրուեցաւ Սեգովը երթալ, բայց ան վախճաւ այնտեղ ապրիլ: Սողոմոն մէջ տուն եւ հարստութիւն ունէր, բայց երբ Սեգովըն հեռացաւ, ան ստիպուեցաւ

քարանձաւի մէջ բնակիլ: Սակայն բարոյական վնասը շատ աւելի ողբերգական էր, քան նիւթականը: Անոր երկու դուստրերը որոշեցին իրենց հօրը հարբեցնել, որպէսզի կարողանան օգտագործել իրեն յղանալու համար: Արդիւնքը եղաւ երկու ազգերու՝ մովաբացիներու եւ ամմոնացիներու սկիզբը, որոնք խորայեւացիներու համար մշտապէս մարմնի մէջ խրուած փուշի պէս էին:

Դատավճիռ

Սողոմի կործանումը հանդիսաւոր յիշեցում է, որ Աստուած արդար Դատաւոր է: Աբրահամը թերեւս անհանգստացած էր, թէ արդեօ՞ք բոլոր երկրի Դատաւորը արդարութիւն պիտի չ'ընէ, բայց ան իրավիճակին կը նայէր մարդկային սահմանափակ տեսանկիւնէն: Ան կը մտածէր իր եղբօր որդու մասին եւ կ'ուզէր ազատել զինք վերահաս կործանումէն: Աստուած Դովտին փրկելու միջոց պատրաստեց, բայց երբ Դովտի հարցը լուծուեցաւ, քաղաքի մեղքը պէտք էր պատժել, եւ Աստուած կատարեց Իր դատավճիռը: Ապագային Աստուած կրկին թափելու է Իր բարկութիւնը ապստամբ մարդկութեան վրայ: Այդ գործընթացին մէջ բոլոր երկրի Դատաւորը անշուշտ արդարութեամբ պիտի գործէ:

Քաջալերանք

Այնուամենայնիւ, կայ քաջալերական մէկ կարեւոր խօսք: Դաշտի քաղաքները կործանելէն առաջ Աբրահամը Աստուծմէ աղաչեց Սողոմի եւ Գոմորի մէջ ապրող արդարներու կեանքի համար: Կործանումի առաւօտը Աբրահամը բոլոր դաշտի երկրին վրայ նայելով՝ տեսաւ, որ ահա այն երկրէն հնոցի մուխի պէս մուխ կ'ելլէր: Բայց երբ Աստուած կործանեց այս քաղաքները, Ան Աբրահամը Իր միտքը բերաւ: Աբրահամի աղօթքը, հնարաւոր է, իր ուզած ձեւով չ'պատասխանուեցաւ, բայց Աստուած գիտէր Աբրահամի իրական մտահոգութիւնը եւ Դովտին փրկեց աւերումէն: Այսօր նոյնպէս այդպէս է. «Նոյնպէս Հոգին ալ օգնութեան կը հասնի մեր տկարութիւններուն. քանզի ինչո՞ւ եւ ինչպէ՞ս աղօթելու ենք՝ չենք գիտեր. բայց ինքը՝ Հոգին՝ բարեխօս կ'ըլլայ մեզի համար անբարբառ հառաչանքներով» (Հռովմայեցիս 8:26):

Տոն Սթորմըր

Օրը օրին

Հիմա որ Նոր Տարուան սեմին կը գտնուինք, արդեօք լսա՞ծ էք այդ ժամացոյցին մասին, որ ջղային խանգարում ունեցաւ երբ օր մը սկսաւ մտածել՝ թէ յառաջիկայ տարուան ընթացքին քանի անգամներ «թիք-թաք» ընելու է: Երկվայրկեանը երկու թիք հաշուելով, մէկ վայրկեանի մէջ 120 թիք ընելու էր, ժամը՝ 7,200 հատ, օրը՝ 172,800 եւ 1,209,600 թիքեր ամէն շաբաթ: Յանկարծ խեղճ ժամացոյցը լեղապատառ եղաւ, երբ անդրադարձաւ որ յաջորդ 12 ամիսներու ընթացքին մօտաւորապէս 63 միլիոն անգամներ թիքթաքելու է:

Որքան աւելի խորհեցաւ ասոր մասին, այդքան աւելի տագնապեցաւ: Վերջապէս այնքան շուարեցաւ, որ ջղային խանգարումով կըրեցաւ:

Հոգեբոյժի մը բանալով իր սիրտը, ժամացոյցը զանգատեցաւ, որ գօրութիւն չունէր այդքան թիքթաքելու: Բժիշկը պատասխանելով հարցուց.

- Բայց քանի՞ թիք ընելու ես իւրաքանչիւր անգամ:

Ժամացոյցը ըսաւ.

- Մէկ:

- Լա՛ւ, ուրեմն՝ պարզապէս մէկ անգամ թիք ըրէ, ու յաջորդին մասին մի՛ մտահոգուիր,- թելադրեց խելացի հոգեբոյժը:

- Վստահաբար այդպէս ընելով լաւ պիտի ընթանաս:

Ծիշտ այդպէս ըրաւ ժամացոյցը եւ անկէ յետոյ ուրախութեամբ թիքթաքեց շարունակ:

Նմանապէս, Աստուծոյ ապաւինող զաւակներ, լման Տէրոջը վրայ ձգելու են իրենց հոգը: Ապագան կը վախցնէ՞ քեզ, կամ քեռդ շատ ծա՞նր կը թուի: Կը վախնա՞ս նոր տարիէն կամ յաջորդող 365 օրերուն պատահելիք դէպքերէն: Պարզապէս Տէրոջմէ գօրութիւն խնդրէ մէկ օրուան համար եւ ինչպէս Յիսուս կը պատուիրէ. «Վաղուան համար հոգ մի՛ ընէր»: Միայն մէկ «թիք» ըրէ, կամ մէկ քայլ առ եւ վստահէ՛, որ Յիսուս քու ձեռքդ պիտի բռնէ՝ կեանքիդ ճամբորդութեան մէջ ու յաջողութեամբ պիտի աւարտես ընթացքդ եւ ստանաս անթառամ պսակդ:

Աստուածահաճոյ կանայք

Աստուածաշունչը լի է աստուածահաճոյ կանանց օրինակներով: Անոնցմէ կրնանք թուարկել՝ հաւատքի կին Սառային, համարձակ Մարիամին, Սամուէլի աղօթող ու նուիրուած մայր Աննային, առաքինի Հռութին, Սարեփթայի հնազանդ այրիին, ով իր վերջին կերակուրը տուաւ Եղիա մարգարէին, խիզախ Եսթերին, երիտասարդ հրեա Մարիամին, որուն Աստուած ընտրեց մեր Տէր ու Փրկիչ Յիսուս Քրիստոսի մայրը դառնալ, վերափոխուած Մարիամ Մագդաղենացիին, Տէր Յիսուսին հետեւող կանանց, ովքեր ծառայեցին Իրեն եւ Իր աշակերտներուն՝ անոնց համար կերակուր պատրաստելով, անոնց հագուստները լուանալով, սէր ցուցաբերելով... գործարար Այծեմնիկին եւ պողաբեր Պրիսկէին:

Այս կանանց իրար հետ կապող ընդհանուր գործօն կայ: Այդ իրենց ազգային պատկանելութիւնը, տարիքը, հարստութիւնը, առողջութիւնը, դիրքը, խելքը, ամուսնական կարգավիճակը կամ գեղեցկութիւնը չէ, այլ իրենց սիրած ու պաշտած Աստուածն է, որուն կը ճանչնային, կը հնազանդէին ու կը ծառայէին:

Համոզուած եմ, որ Մարկոս 12:41-44-ի աղքատ որբեւայրիի՝ Աստուծոյ հանդէպ ցուցաբերած զոհաբերական նուիրատուութիւնէն ու խոնարհութիւնէն շատ բան ունինք սորվելու:

«Եւ Յիսուս գանձանակին քով նստած՝ կը նայէր թէ ժողովուրդը գանձանակին մէջ ինչպէս ստակ կը ձգէ: Շատ հարուստներ շատ բան ձգեցին: Աղքատ որբեւարի մըն ալ եկաւ ու երկու լումայ ձգեց, որ նաքարակիտ մը կ'ընէ: Իր աշակերտները իրեն կանչելով՝ ըսաւ անոնց. «Ճշմարիտ կ'ըսեմ ձեզի, թէ այս աղքատ որբեւարին գանձանակը ստակ ձգողներուն ամենէն աւելին ձգեց. վասն զի ամէնքը իրենց աւելցածէն ձգեցին, բայց ասիկա իր չքաւորութենէն՝ ունեցածին բոլորը ձրգեց՝ իր բոլոր ապրուստը» (Մարկոս 12:41-44):

«Յիսուս գանձանակին քով» նստաւ: Ան լաւ կը պատկերացներ կանանց գաւիթին մէջ գտնուող շեփորածէլ գանձանակներու մասին, որտեղ կը ձգէին տաճարի համար նուիրաբերուած ընծաները: «Հարուստները շատ բան ձգեցին... իրենց աւելցածէն»: «Աղքատ որբեւայ-

րին... իր չքատրութենէն՝ ունեցածին բոլորը ձգեց՝ իր բոլոր ապրուստը»։ Երկու լուման օրավարձի մէկ երեսուներորդն էր։ Չարմանալի չէ, որ Մարկոսը զինք կը նկարագրէ որպէս «աղքատ որբեայրի մը»։

Եթէ ինձի թոյլ տաք օգտագործել երեսակայութիւնս, ապա պատկերը հետեւեալն է. թէ՛ հարուստներու եւ թէ՛ աղքատներու նուիրաբերած ընծաները շեփորի տեսքով զանձանակին մէջ բարձր ձայն կը հնչեցնէր։ Տէր Յիսուսը գիտէր ձայնի տարբերութիւնը։ Պատմութեան համատեքստի մէջ, հարուստ մարդկանց ընծաներու ձայնը նման էր «ձայն տուող պղինձի, կամ հնչեցնող ծնծղաներու պէս», բայց որբեայրիի երկու լումայի արծակած հնչիւնը ազդարարութեան փողի ձայնի նման հնչեց մեր Տէրոջ ականջներուն։ Ան Իր աշակերտներուն բացատրեց, որ կնոջ ըրածը Աստուծոյ նուիրուած ըլլալու ու խոնարհ սրտի ապացոյցն էր։

Թող որ մեր օրհնեալ Փրկիչը լսէ մեր երկու լումայի՝ զոհաբերութեան, խոնարհութեան եւ Աստուծոյ նուիրուածութեան արծակած ձայնը ու հաստատէ, թէ այն հաճելի է Իր ականջներուն։

Ռոպերտ Հոլոու

Եթէ կը փափագիք ունենալ
ACM-ի արեւելահայերէն լեզուով
2020 թ.-ի օրացոյց, ապա կրնաք
պատուիրել այն www.acmaust.org
կայքէջի միջոցով։ Արժէքի
մէջ ներառուած են փոստային
ծախսերը. ԱՄՆ-ի համար՝ 15.00
ԱՄՆ տոլար, իսկ Աստրալիոյ
համար՝ 12.00 ԱՄՆ տոլար։

Կը խնդրենք
info@acmaust.org հասցէին
ուղարկել ձեր ելեկտրոնային
փոստի հասցէն՝ նշելով ձեր
ամբողջական անունը, հասցէն եւ
պատուիրի քանակը։



«Սիրությունը դեն գցելով՝ ամեն մարդ ճշմարտությունը թող ասի իր դրացուն, որովհետև մենք մեկմեկու անդամներն ենք»։

Եփեսացիներին 4:25

Կրկ	Երկ	Երկ	Չրբ	Յնգ	Ուրբ	Շրբ
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

2020

ARMENIAN CHRISTIAN MISSION INC

Հայ քրիստոնեական ֆոֆետիստըն
www.acmaust.org